

«ХУУЛИ БУСА АРХИТАЙ ТЭМСЭХЭ АРГА БИИ»

Үнгэрхэн гарагай зургаанай үедэ Буряад Республикын Худалдаа наймаанай талаар гүрэнэй комитедэй түрүүлэгшэ Валентина Дамбаин олондо мэдээсэл тараадаг хэрэгсэлнүүдэй түлөөлэгшэдтэй уулзажа, «Архи үйлдбэрлэгэ ба худалдалгы гүрэнэй талааа хүтэлбэрлэгэ тухай» Россин Федерациин Президентын гаргаһан Зарлигай байгша оной октябриин 1-нээ хүсэндөө ороһон тухай, мүн энэ асуудалай республика соо яажа бэелүүлэгдэхэ хэмжээнүүд тухай тодорхойгоор хөөржэ үгэбэ.

Архи дарһа худалдалгаһаа мүнгэнэй оросые эрид найжаруулха зорилготойгоор гаргагдан энэ Зарлигы бодото дээрэн бэелүүлэхэ гэхэдэ ямаршые Хууляар баримталагдангүй юрэнхыгөөр

үгтэһэн байна. Архи үйлдбэрлэгы гуримшуулха Хуули Россин Федерацида мүнөө болотор хараалагдаагүй хаань, харин энэ хүдэлмэриие түрүүшын үдэрһөө бэелүүлхэ талаар Хуули манай республикада абтаһан гээшэ. Ушаримэһээ хуули бусаар архи бүтээжэ худалдалгыг усадхаа хүдэлмэриие амжалтатайгаар эрхилхэ аргатайбди, гээд В.Ц.Дамбаин онсолбо.

Хотын дэлгүүрнүүдтэ, автобус, трамвайн буудалнуудта наһажаал зоной архи худалдалгатай республикын дотоодын хэрэгүүдэй, налогой инспекциин хүдэлмэрилэгшэдэй тэмсэхэ байһые эндэ онсолон тэмдэглэгдээ.

Республика соо техническа спирт хэрэглэдэг эмхи зургаанууд тусхай бүридхэлдэ абтанхай. Мүн

имэ зүйлэй спиртын республика соохи ябаса хуули сахилгын зургаануудай онсо хиналта доро абтаһан ушарһаа архи хээд, хүниие хорлохо ябадал усадхагдаха зэргэтэй гээд заагдаа.

Энэ долоон хоногой туршада Улаан-Удын «Ливона» бүлгэмэй үйлдбэрлэгшэн продукциян шанарыень хамгаалһан тусхай тэмдэг табигдажа эхилхэнь.

Республика дотор шанартай архи үйлдбэрлэгэ болон худалдалгы найжаруулха, мүн хуули бусаар архи хэжэ, үргэн наймаанда гаргалгатай эрид тэмсэхэ арга боломжо манда гүйсэд бии, энэ талаар ябуулха, эмхидхэхэ хүдэлмэри захигүй, булта ажаллахал болонобди, гээд В.Ц.Дамбаин уулзалгынгаа түгэсхэлдэ хэлэбэ.

Далай ХУБИТУЕВ

БУРЯАД РЕСПУБЛИКЫН ПРЕЗИДЕНТЫН ЗАРЛИГУУД

«Буряад Республикын гүйсэдхэлгын засагай зургаануудай байгуулалта тухай» Буряад Республикын Президентын 1998 оной июлиин 29-нэй 144-дэхи Зарлигта хубилалтануудые оруулха тухай

Буряад Республикын Хүдөө ажахын болон эдэс хоолой министрствы Буряад Республикын Хүдөө ажахын болон болбосоруулгын промышленностиниин министрство болгожо, шэнээр нэрлэхэтэй холбоотой мүнгэн сангай бэрхэшээлүүдхээ уламжалаан, нигэжэ тогтооноб:

1. Буряад Республикын Президентын 1998 оной июлиин 29-нэй 144-дэхи Зарлигай 4-дэхи пунктын 1-дхи хубине болуулаха.
2. Министрствын нэрые хуушаарнь гэхэ гү, али «Буряад Республикын Хүдөө ажахын болон эдэс хоолой министрство» гээд орхихо.
3. Тус Зарлиг Буряад Республикын Арадай Хуралай зохино тогтоолой абтатар хүсэндөө байха.

Буряад Республикын Президент А.В.ПОТАПОВ.

Улаан-Удэ,
Правительствын байшан,
1998 оной октябриин 6,
№ 211.

«Буряад Республикын гүйсэдхэлгын засагай зургаануудай байгууламжа тухай» Буряад Республикын Президентын 1998 оной июлиин 29-нэй 144-дэхи Зарлигта хубилалтануудые оруулха тухай

Буряад Республикын Промышленностиниин, элшэ хүсэний болон транспортын министрствы Буряад Республикын Промышленностиниин, элшэ хүсэний болон худалдаа наймаанай министрство болгожо, шэнээр нэрлэхэтэй холбоотой мүнгэн сангай бэрхэшээлүүдхээ уламжалаан, мүн Россин Федерациин хэмжээндэ худалдаа наймаае хүтэлбэрлэхэ үүргые байгуулагдаһан Россин Федерациин Худалдаа наймаанай министрствэдэ дамжуулан ушарһаа нигэжэ тогтооноб:

1. Буряад Республикын Президентын 1998 оной июлиин 29-нэй 144-дэхи Зарлигай 3-дэхи пунктые болуулаха.
2. Министрствын нэрые хуушаарнь гэхэ гү, али «Буряад Республикын Промышленностиниин, элшэ хүсэний болон транспортын министрство» гээд орхихо.
3. Тус Зарлиг Буряад Республикын Арадай Хуралай зохино тогтоолой абтатар хүсэндөө байха.

Буряад Республикын Президент А.В.ПОТАПОВ.

Улаан-Удэ,
Правительствын байшан,
1998 оной октябриин 6,
№ 214.

Россин залуу үетэндэ, хэдэн үеын комсомолшуудта Гүрэнэй Дүүмын ХАНДАЛГА

Хүндэтэ нүхэд!

80 жэлэй саада тээ, 1918 оной октябриин 29-дэ хүдэлмэришэдэй ба таряашадай залуушуулай Холбооной бүхэроссин 1-дэхи съездэ комсомолой эмхи зургаан байгуулагдаһан юм. Тэрэ гүһээр, энэ ута хугасаа соо, Советскэ Союзой, Россин, бүхы союзна республикануудай ажабайдалда комсомол нилээд шухала үүргэ аүүргэһэн байна.

Гүрэн дотор эмхидхэгдэһэн барилгануудта, шэнэ газарнууды ашагладаг ябуулануудта эдэхитэйгээр хабаадаһан юм. Комсомолшуудай хүсэл зорингоор эрдэм нуралсал, спорт, соёл хүгжэжэ, мүнөө дээрэ эдэнэр залуушуудтай нягта холбоотойгоор хүдэлхэ дүй дүршэлтэй болонхой. Хэдэн түмэн басагад, хүбүүд гүрэн түрые хүтэлбэрлэгдэ хабаадажа, комсомолой үүсхэлээр залуушуулай нуралсал, амаралта, ажал тухай Правительствын хэдэн тогтоолнууд ба хуулинууд гаргагдан юм.

Долоон жэлэй саада тээ ВЛКСМ тараагдаһаншые һаа, комсомолшуудай урма зориг

хухараагүй. Комсомолой байгуулагдаһаар 80 жэлэй ой тэмдэглэхэ талаар эмхидхэлэй комитет байгуулагдаа. ВЛКСМ-эй ветеранууд, спортсменүүд, эрдэмтэд энэ комитедтэ оропхой. Энээнэй жэшээгээр республикануудта, аймагуудта комсомолой өөлэдэн комитедүүд бии болгодохо гэжэ пайданабди.

Ойн баярай үедэ уласхоорондын эрдэмэй форум, залуушуулай эрхэ хамгаалгын конгресс, «XXI-дэхи зуун жэл: Росси- общество- залуу үетэн» гүрэн хэдэн үеынхидэй хабаадалгатай хөөрлөдөөн гэхэ мэтэ хэмжээ ябууланууд үнгэргэжөөр хараалагдаа.

Хэзээ нэгэтэ булта комсомолшууд байһан хадаа, эбтэй эстэйгээр энэ найндэрые үнгэргэжэ, һаял байгуулагдажа байһан залуушуудта хабаатай социальна албануудта, эрэмдэг бзетэй залуушуудда, бэлиг талаантай хүбүүд басагадта туһалаал гэжэ уржалнабди.

Залуушуул тухай һаһаа табилга гүрэн түрын эгээл шухала асуудалнуудай нэгэн болохо ёһотой. Тиймэһээ залуушуулай эрхэнүүдые хамгаалхынь тула булта эб хамтаржа хүдэлсэл, нүхэд!



ПРАВИТЕЛЬСТВЫН ХҮДЭЛМЭРИН ДОЛООН ХОНОГ

БУРЯАД РЕСПУБЛИКЫН ПРЕЗИДЕНТ - ПРАВИТЕЛЬСТВЫН ТҮРҮҮЛЭГШЭ А. В. ПОТАПОВ

Октябриин 12. Кабанскын, Хэжэнгын, Прибайкалийн, Загарайн аймагуудта гэр байрын-коммунальна ажахын предприятинуудай үбэлэй үедэ бэлдхэл тушаа зүблөөн.

Октябриин 13. Экранопланууды үйлдбэрлэгшын талаар зүблөөн.

Октябриин 13-16. Федерациин Советдэй хүдэлмэридэ хабаадалга болон гүйсэдхэлгын засагай федеральна зургаануудта асуудалнуудые шийдхэлгэ.

Октябриин 17. ВЧК-гай зүблөөн.

ПРАВИТЕЛЬСТВЫН ТҮРҮҮЛЭГШЫН НЭГЭДЭХИ ОРЛОГШО В.К. АГАЛОВ

Ан амитадые ашаглаха удаан болзорой лицензи олгохо тухай дүрим зохёолго.

Октябриин 12. «Правда Бурятии» хаагдамал акционернэ бүлгэмэй болон «Ливона» акционернэ бүлгэмэй зүгһөө «Реклама тухай» РФ-гэй Хуули зэдэһэн ушараар комиссин зүблөөн.

«Эд хэрэглэгшэдэй эрхэнүүдые хамгаала тухай» РФ-гэй Хуули сахилгын хойноһоо хиналта.

ПРАВИТЕЛЬСТВЫН ТҮРҮҮЛЭГШЫН ОРЛОГШОНОР: А.Ю.НАЛЕТОВ

«Реформодо орожо байгаа предприятинуудта тохогодоо дээдэ захын налог тухай» республикын Хуулин проектые бэлдэлгэ.

Эд бараанай дэлгүүрнүүдые хүгжөөлгын хараа бодомжо зохёолго.

«Бюджетэй һалбариниин хүдэлмэрилэгшэдэй салин хүлһэнэй үритэлгые хүдөө ажахын продукцияр хүсэлдүүлэн дараха тухай» Буряад Республикын Президентын Тогтоолой проектые зохилауула.

«О едином налоге на вмененный доход» гүрэн республикын Хуулин проектые бэлдэлгэ.

Бюджетэй урьһаламжануудые зорилгоорнь ашаглалгые шалаалта.

Октябриин 15. Акционернэ бүлгэмүүдэй акцинуудые болон объектиүүдые худалдаха аукцион.

Октябриин 12-16. Гүйсэдхэлгэ бэелүүлдэг зургаануудай шийдхэлбэрээр худалдагдаха ёһотой хүдэлсэгүй зөөри наймаалха хэмжээ ябуулануудые бэлдхэлгэ болон үнгэргэлгэ.

Е.К.ХАНХАЛАЕВ

«Хүүгэдэ туһалагты!» гүрэн телемарафон бэлдэхэ талаар эмхидхэлэй хүдэлмэри.

Республикын тусхай дунда нуралсалай эмхи зургаануудай физическэ хүмүүжүүлгын хүтэлбэрлэгшэдэй зүблөөн.

Октябриин 15. Республикын дээдэ нургуулинуудай студентнэри эрдэм шэнжэлгын хүдэлмэриниин талаар харюусалгатай хүдэлмэрилэгшэдэй зүблөөн.

Октябриин 15-17. Россидахи эдир натуралистнуудай хүдэлөөнэй 80 жэлэй ойдо зориулагдаһан конференци.

Театруудай, сэнгэлгын предприятинуудай сезоной нээлтэдэ бэлдхэл:

- хүүгэдэй филармониин сезоной нээлтэ;
- М.Глинкын нэрэмжэтэ гүрэнэй квартедэй концерт;
- Красноярск хотодо болохо хүүхэдэй театрнуудай Сибириин фестивалда «Ульгэр» театрай хабаадалга;
- театральна ажал ябуулагдаһаа холбооной 50 жэлэй ой үнгэргэхэ эмхидхэлэй комитет.

Октябриин 16. Г.Манжуевай 50 наһанай ойдо зориулагдаһан, Сурхарбаанай абсолютна чемпионуудай дунда буряад барилдаагаар турнир.

Октябриин 12. Физкультура болон спортые хүтэлбэрлэгшын гүрэнэй зургаанай байгуулагдаһаар 75 жэлэй ойдо бэлдэхэ талаар эмхидхэлэй комитедэй зүблөөн.

В.В.ПЕРЕЛЯЕВ

Гүйсэдхэгдэһэн хүдэлмэринүүдэй түлөө бюджетэй үритэлэн ушарнуудта бюджетэ түлбэри оруулха талаар пени тохохо тухай республикын Президентын Зарлигай проектые бэлдэлгэ.

Харгы барилгын 1999 оной программа тухай Правительствын Тогтоолой проект бэлдэлгэ.

Сан жасын доройтолоһоо гараха талаар «Бурятские авиалинии» АО-той хүдэлмэри бэелүүлгэ.

Байгша оной 9 нарын геолого-бэдэрлэгшын хүдэлмэриниин үрэ дүнгүүдые харалга.

В.А.ПОЛЮТОВ

Федеральна зөөрине тоо бүридхэлдэ абалгы болон тэрэнэй реестр хүтэлсэлгые эмхидхэлгын талаар министрствэнүүд, албан зургаануудтай хүдэлмэри бэелүүлгэ.

Баланс баригшадтай болон арендаторнуудтай хэлсэлнүүдые баталха талаар хүдэлмэри.

Октябриин 15. Федеральна бюджетэ үритэй предприятинуудай мүнгэн сангай байдалье хараха талаар албанууд хоорондын региональна балансын комиссиниин зүблөө үнгэргэлгэ.

П.М.БОЛОНЕВ

Түнкэнэй аймагта ажахынуудые шэнэдхэн хубилгалгын талаар туһаламжа үзүүлэлгэ.

Бүхы шатын бюджетүүдтэ олзо оршо элсүүлхэ талаар комиссиниин зүблөөндэ хабаадалга.

Налогһоо сүлөөрүүлхэ талаар эмхинүүдтэй хүдэлмэри бэелүүлгэ, харлагуудай бонитировкэ бэелүүлхэ асуудалнуудаар Ахын аймагта ошоло.

Дэлгүүрэй эрхэ байдалда эдэс хоолой болон болбосоруулгын промышленностинеи хүгжөөлгэ болон тогтониторжуулгын программа зохёолго.

МОНГОЛТОЙ ХАРИЛСААНУУД УРДАНХИЙНЭЭ ЭРШЭЭЭ

БУУРАА

Монголой Дархан хотодо байдаг Россин Федерациин генеральна консул Борислав Мещанинов эдэ үдэрнүүдтэ Улаан-Үдэдэ айлшалаа. Тэрэ тон түрүүн республикын промышленина томо предприятинуудай, олзын хэрэг эрхилэлгын бүридэлнүүдэй хүтэлбэрлэгшэдтэй хүдэлмэрин талаар харилсаа холбоонуудыг тогтоохо зорилготойгоор ерээ.

Б.Мещанинов Арадай Хуралай Түрүүлэгшэ Михаил Семеновтой уулзажа, удаан хөөрэлдөө. Манай айлшан 18 жэлэй туршдаа дипломадаар хүдэлмэрилхэ зуураа Монголтой харилсаануудыг харгалзадаг таһагай дарга хүртээр ургаа, хэдэн жэл соо энэ орондо байраар байна.

Генеральна консул республикын Президент Леонид Потаповтай жэлэй һүүл багта хараалагдаһан тэрэнэй Монгол орондо ошолгын зарим зүйлүүд тухай хөөрэлдөө. Үлэгшэнь дипломатическа хэлхээ холбоонуудаар зүбшэгдэхэ. Монгол, Буряад ороонуудай хоорондох хилэ шадарай харилсаануудыг али болохоор хүгжөөхэ хэрэгтэй гэжэ Б.Мещанинов тоолоно. Манай республикын бодон

Монгол ороной хоорондо урдань тогтоод байһан һайн харилсаанууд, тон түрүүн худалдаа наймаанай талаар, һүүлэй үедэ ахирдажа захиаланхай гэжэ Михаил Семенов голхорон тэмдэглээ. Тэдэниие угайдахадаа хуушан хэмжээндэнь яагаад хэргэжэб? Энэ зорилгоор тодорхой программа хэрэгтэй. Иймэ программыг Россин Правительство, тон түрүүн Гадаадын хэрэгүүдэй министерство һайшаажа, дэмжэлгэ үзүүлхэ бээ гэжэ найдажа байһанаа Арадай Хуралай Түрүүлэгшэ мэдүүлээ. Юундэб гэбэл, Буряад орон Россин Федерациин субъект байһан тула Монголтой харилсаануудыг тогтоолгын талаар олохон асуудалнууд Москвада шиндхэгдэнэ бшуу.

Буряад ороной Арадай Хуралай Түрүүлэгшын хэлэһэн олонхи зүйлүүдыг, тон түрүүн Россин дэдын хүтэлбэрлэгшэдэй Монгол орондо анхаралаа мүнөөнэй хийһөө үлүүгээр хандуулан, албанай ёһоор тиншэ ошоно, улсхоорондын хэдэ

хэдэн хэлсэниүүдыг баталха байгаа гэдэгые Борислав Мещанинов зубшөөгөө. Манай ороной дэдын ударидагшад тэрэ үедэ Л.И.Брежнев байгаа, Монгол орондо һуушыныхэ 27 жэлэй (!) саана ошоо һэн. Тийхэдэнь һүүлэй жэлнүүдтэ олохон хүгжэнги томо ороонуудай хүтэлбэрлэгшэд али бүхы талаараа хүгжэжэ байгаа энэ орондо айлшалһан байна.

Монголдэ тохёолдоһон политическэ байдалыг генеральна консул тон ороо гэжэ тодорхойлоо. Үнгэржэ байгаа жэлдэ правительство хоёр удаа һэлгэгдээ. Шэнэ правительство толгойлогшогүй байһаар. Үндэр энэ тушаалда хараалагдажа байһан «Арадшалһан холбооной» («Демсоюз») ударидагшадтай нэгэн С.Зориг өөрынгөө тэр соо тодорхойлогдоогүй хүнүүдтэ зэрлэг муухайгаар алуулагдаа. Энээнгүйгөөршье шахардуу байһан политическэ байдал болоһон алуурай һүүлээр улам шангаданхай. Тиймэһээ парламентын засаг баримтадаг орондо Уласай Ехэ Хуралда бэлээрһөө урид" һунгалта үнгэрэхэ тухай эрихтэнүүд улам шангаар соностоно.

Хажуугаарш 30 миллион



толгой эбэртэ бодо малтай Монгол орондо халдабарига хэдэн үбшэниүүдэй талаар байдал хангалтагүй. Бусадшыг түрэлэй малынь адирхуу байдалтай. Тиймэһээ урдань Монголтой эдэбхитэйгээр наймаа хэдэг олохон ороонууд тэндэһээ мяха абахая татаалзадаг болоһонхой. Россин Гадаадын хэрэгүүдэй министрствэһээ Улаан-Үдэдэ байдаг түлөөлэгшые томихо тухай Буряад Республикын тус министрствэдэ ханданан үүсхэлые Б.Мещанинов һайшаагаа. Энэ асуудал мүнөө шиндхэгдэжэ, МИА-эй Буряадтахи түлөөлэгшөөр урдань республикын Гадаадын экономика министрствэдэ хүдэлжэ байһан Александр Доржиев томилогдоо. Буряад Монгол хоёрой

хоорондохы харилсаанай үшөө хэдэн асуудалнуудыг М.Семенов хөөрэлдөөнэй үедэ табья. Жэшээнь, монгол эрхэтэдэй хилэ эбдэхэ ушарнууд олоһороо. Хэрин Ахын райондо эбэртэ бодо мал хилын саана намнажа абаашаа. Тэрэнхэһэн Россин хилэ шадарай Монголой Алтан-Булаг хотодо хилэ шадарай худалдаа наймаанай сүлөөтэ зона багуулаха тухай хэдэн жэл соо ябуулагдадаг хөөрэлдөөнүүдэй замхаха туйлда хүрэхэниие голхоролтой. Түргэн шууд шиндхэгдэдэггүй үшөөшыг хэдэн асуудалнууд бин.

Арадай Хуралай хэблэлэй албан

Буряад Республикын Президентын Зарлиг

ДАНЗАНОВ С.М. тухай

1. Данзанов Содном Мигуловиче Буряад Республикын Президентын туһалагшаар томихо.
2. Гар табиган үдэрһөө Зарлиг хүсэцдөө орохо.

Буряад Республикын Президент А.В.ПОТАПОВ.

Улаан-Үдэ, Правительствын байшан.
1998 оной октябрин 5.
№209.

Буряад Республикын Правительствын Тогтоол

№344

ОЦЕПКОВ С.П. тухай

1998 оной октябрин 7

Буряад Республикын Правительство нигэжэ тогтооно.

Ощепков Сергей Петровиче министрэй нэгэдэхи орлогшын - Буряад Республикын Экономикын болон гадаадын экономика харилсаануудай министрствын бүридэлдэхи гадаадын экономика харилсаануудай комитетэй түрүүлэгшын уялгадүүргэгшээр 1998 оной сентябрин 29-һөө томихо.

Буряад Республикын Президент-Правительствын Түрүүлэгшэ А.В.ПОТАПОВ.
Буряад Республикын Президентын ба Правительствын хэрэгүүдыг эрхилэгшэ-захиргаанай хүтэлбэрлэгшэ Н.И.БЫКОВ.

Политологой шэнжэлэл

БАР ЖЭЛНЭЙ БАРАГАДААР ДҮҮРЭНЭЙ...

1998 он барагдаха тэнишэ дүтэлбэ. Бар жэлэй үнгэрһэн нара, үдэрнүүд ямар байгаа: бараг һайн гү, али багтай, ядаргалтай байшаба гү? Байгааһы уларилай байдалаар, улс түрын, улс зоной байдалаар хаража үзэе.

Ябажа байгаа жэл монгол литээр шара бар гээд дэмы нэрлэгдээгүй байшаба. Нэгэдэмэл Нацинуудай эмхини оршон тойроние хамгаалха зорилготой ОПЕК гэдэгэй Программын директор Клаус Тенферэй мэдэлсэһэнэй ёһоор, 1998 оной зун хүн түрэлтэһэй һаян түүхэдэ үзэгдөөгүй халуун нажар болоо. Гансахан Россин Федерацида абажа харахада 39 областин 12 миллион гектар тарьян ганджа шаталлоо. Хэды өхэ сабышалан, бэлшээр, огторд ганцааб? Ехэ хохидол хүдөө ажааһа бар жэл асарва. Зол болоходоо, үржэлтэй 1997 ошноо наймаалжа, эдижэ үрдээгүй байһан 20 миллион тонно ороһон абархань ха. Туулай жэлдэ туража үхэхын туйлда хүрэнгүй, гадаадаһаа тарья худалдажа абангүй ороһойбди гээд ханагдаха байна.

Манай Буряад орондо жэлэй түрүүшын хахад гандуу байжа, олоной һанаа зобоогоо. Тийгэбшыг ган гасуурта шатаһан ажахынууд, аймагууд манда үгы.

Гол зорилго - булта бүгэдөөрөө хүсэ шадалаа нэгдүүлээд, ороһо тарьягаа, хартаабха, капустая саһанда даруулангүй, гээлтэ хоролтодо оруулангүй хуряажа абаха, амбаарлаха хэрэг болоно. Мүнөөнэй өөртөө, бсэдээ, ажалша коллективэй эбтэй, эмхитэй, бүтээсэ эхэтэй, харюусалгана мэдэрһэн ажалда найдаха саг ха юм. Тэрэ муута гэр сооһоо муудадаг, гар муута газараа муудадаг үһэн эсээн үгэ һанаад, бултаарап шангаар лэ ажаллаха болоолди даа. Залхууранд, бусадта найдаад һуубал, хосорхобди.

Буряад Республикын социально-экономическа байдалай байгша оной түрүүшын хахадта ямар байһан тухай мэдээсэл Буряад Республикын Правительство республиканска газетэнүүдтэ хэблээ һэн. Дүнгүүдынь хангалтатай гэмээр бэшэ. Ниитын адууна мал үсөөрһөөр, ашаг шэмэнь доошолһоор. Предприятиинууд хүсэд хүдэлнэгүй. Хүдэлмэригшүүдэй тоо олоһорһоор. Жэлэй хоёрдохы хахадые иимэрхүү дүнтэй дүүргэбэл, гэгээн паранай харагдахань бэрхэтэй болохо.

Галзуу шанга, хайрлахыг мэдээдэггүй дэлгүүрэй

гүрлмтэй мүнөө сагта ажалца бүхэриг гарнуудтаа, тооложо шадаха толгойдоо найдаха болодоод байна. Хүбүүд, басагаднай, ашанар, зээнэрнай ажал хэдэг гол хүдэлмэришэ хүсэн болоод байһанхай. Энэ минни һанадыгые июнь, июль соо Буряадта болоһон һунгалтанууд гэршэлбэ. Хэды шууягтай байһаныг, һунгалтанууд үдэрлэһиһаа холод зэрэ. Россидэ өхэ адуурайгаар үнгэрэгдэжэ байһан реформо манай хүнүүдыг политическэ талаар хургана. Арбан жэл соо төврийхэ, зобоходоо арад юмнай «урашгагүй зондо ухаагүй нсбд, талаангүй хүнүүдтэ гархингүй ноёд дайралдадаг» гэжэ ойлоод, бөрө гэртээ бөгдө болоод, һунгалтада хабардангүй, хара амина хараад һуухаяа болижо байна гээд һунгалтын дүнгүүд гэршэлбэ. Бэсүүдэхэ программага тоб байса тодорхойгоор хэлээд, яб, байса бэсүүдэхэ шадабаритай хүнүүдыг Ардай Хуралай депутат болгон һунгалта элэгэниие гэршэлбэ.

Энэмни баригтагүй тобиолол бэшэ. Минни һайн мэдэхэ депутатууд сооһоо нэгэ хэдэнь нэрлэхэмни Буряад Республикын түрүүшын зарлаалай Арадай Хуралда һунгалданан 37 депутат дахин һунгалтада хүсэлтэй байгаа. Тээд һунгалтада тэдээн сооһоо 15-ынь дахин һунгаа. һайн мэдэхэ хоёршынь нэрлэхэм. С.В.Калмыковтой сугтаа удаан ажаллаабди. Хэлэһэн үгэ хэһэн ажал хоёршынь алгасадатгүй. Урда болоһон һунгалтада найдабарита хүниинь байгаа һэм. Яруулын аймагай-захиргаанай толгойлогшо Цырен Доржиев Арадай Хуралда хоёрдохыг һунгалтада. Уг уһанда хангалдатгүй һэмнай даа. Юһэн үхибүүд соо үдэһэн, хүйтэн хүхэ түмэр паншажа, паншажа эсшоод ерһэн Эрдэнэ эсэһынгээ хэһэн ажал, хүмүүжэлыг хара баһаһа ойгожо, мэдэжэ ябаһан Цырен эсэһынгээ нэрыг үндэр дээрэ үргэн ябана. Болоош даа, Цырен, амжалтануудыг, аза жаргал хүсэһэб.

Шэнэ сагай, шэнэ гүхэлэй хүтэлбэрлэгшэ, ажал, олзын хэрэгүүдыг (бизнес) шадмаараар эмхидхэдэг, республика дотор залуу үетэнэй махабадыг бэхижүүлэхэ, шэнэ спортын мастернуудыг хүгжөөн болбосоруулаха хэрэгтэ мүншэ зөөри гамнадатгүй Е.К.Ханхаласые һунгалтада тон зүб Арадай

Хуралай депутат болгон һунгаа.

Олондо мэдэжэ болоогүй шэнэ нэрлүүд сооһоо Баянжаргал Балжиннямевич Ширааласые нэрлэхэм. Орохо нүхээс, гараха замаа олохоёо болижо, мухарданһан холмюл тэжээл бэлдэдэг Шулуутайн заводые богино саг соо хүжэлтын замда гаргажа шадаһан, тэрэ һуурида ажаһуудаг хүн зоние ажалаар хангаһан габьтатай юм. Ажал хэжэ шадаатай хүнүүдыг ажаалаар хангажа, сэхэ эбээр хүдэлмэрээрөө өөрынгөө, гэр бүлээ хангаханаа, гүрэн түрээс бэхижүүлэхэһээ үлүү дэмбэрлэгэй ямар ондоо үйлэ хэрэг байлай даа! Ушар тиймэһээ үнгэрһэн һунгалтануудай һайн таланы гэхэдэ, бизнес хэжэ шадаха шэнэ залуу олон нэрлүүд элирүүлэгдэбэ.

Демократи гэдэг үгөөр шэмэг тоболто хээд, зарим һунгалтадай политическэ талаараа муухаг байһаныг хэр гэлэи, гэгээн хонгорнуудта хорһон малгай үмдхүүлээд засагай газарга орохо, арад зоние албадан захирха хүсэлтэй хоһон аматан, хандирхай түйсэһүүд хойшоо гаража байнал хаш. Шаповалов мэтын зайгуулуудта найдахаһаа болино. Республикынгаа түйсэ, олон районнуудые электрын элшэ гэрлээр, халуун дулаагаар хангадаг Түгшын шулуу нүүрһэнэй предпритийн генеральна директор, ямар 27 генеральна директорнууд акционернэ бүлгэмэй президент, кәлхозой түрүүлэгшэ мэтын, ажал хүдэлмэрээр хангадаг, ажахыг хүтэлбэрлэхэ дүршэлтэй хүнүүд Арадай Хуралай депутат болгон һунгалтада. Энэһэндэ шэнэ сагай шэнэ гүхэл шэнжэ харагдана, ажабайдалай һайжархын этигэл найлаа үзэгдэнэ.

Үшөө шэнэ юмэи - дээдэ хургуулинуудай дүрбэн хүтэлбэрлэгшэд депутатуудаар һунгалтада. Түлөөлэгүй һуралсалыг хасаха, түлөөлэгэ болгохо гэгээн алау гаргуулахагүй байха. Би энэһэндэ этигэһэб.

Зобохо бүрээ юмнай эсээн боложо, болдогтой шулуунай харгыда бүдэрхээ болижо, политическэ талаараа горитой хургуули һүүлэй арбан жэл соо гараа гээд баталан хэлэмээр.

Содном-Доржо БАДМАЕВ,
философин эрдэмэй кандидат.

Ороной экономикын доройтолго наһажал оной үхибүүдэй хуби заяанда эхэ гасалан тохёолдуулана. Хэдэн харын турнада пенсией абажа шадархана болһон үбгэд, хүнгэдэй бүри шахардуу түлөөр байдалда орошодой цэгэ заримануудыг бөг шорой хаядаг газарта эдэг хоолой үлдэгдэнүүдыг бэдэржэ, улауу

правительствын гэшүүд ажалһаа сүлөөлгөдгэ, ороной ажабайдалда «шэнэ нэбшээ» оруулнабди гээд залуу мэргэжэлтэд захиһаа томилгодожо эхилээ һэм шуу. Президент Борис Ельцин энэ хабар Черномырдинские тушаалһаань сүлөөлөөд, Гүрэнэй Дүүмын депутатуудыг

хүдэлмэришэн арадай уур сухалыг нилээд номгодхохо зорилготой дойбод сохимо ябадал болоно гээд наһахаар байгша.

Буруушаалгын Бүхэроссин жагсаалда хабаадагшадай гол эрилтэнь Борис Ельцинские болзорһоо урид тушаалһаань буулгаха уряа доро үнгэрбэ

депутатуудай гурбанай хоёрһоо дэжээр дэмжэгдэбэл, тэрэнь хүсэндөө орохо юм ха. Тээд энэ шиидхэбэринь мүн лэ бэелүүлэшгүй шахуу. Юундэб гэхэдэ, Россин Федерациин Президент энэ шиидхэбэриень тоонгүйгөөр, Гүрэнэй Дүүмыг тараажархиха эрхэтэй бшуу. Парламентын гаргаһан

олон хуулинуудыг гаргажа, ажабайдалда нэбтэрүүлжэ үрдибэ гээшэб. Эндэ нэгэл баримта дээрэ тогтоц, харуулаар. Жэшээнь гүрэнэй алба хаагша наһанай амаралтада гарахадаа, салинайнгаа 80 процент шахуу пенсия болгон абаха эрхэтэй. Харин эгээлэй зон унатарашыг хүдэлөө һаа,

ЭРИД ХЭМЖЭЭН АБТАХААР БОЛОНХОЙ

(БҮХЭРОССИН, БУРУУШААЛГЫН ХЭМЖЭЭ ЯБУУЛГАНАА ТҮРЭНЭН БОДОЛНУУД)

хашахын һайгаар Кириенкые правительствын түрүүлгшээр томилхыг һайн мэдэнэ ёһотойт. Захагүй үргэн дайдыг эзэлһэн доройтоонги экономикотой

шиидхэбэриис, арад зонойнгоо эрилтыг дүүргэхэгүй Россин мүнөөнэй Президент хадаа хаантай жэшэмэ хизааргүй эхэ засагтай хүн болоно бшуу.

шалаагаар архини хоһон шалнуудыг суглуулжа, автобус, трамвайн буудалнуудта, мүн зоной олоор ябадаг газарнуудта тамхинай зүйлнүүдыг табяад, зубиниладашатараа һуухыень харахада хайратайһыг, хара буухааршыг байдаг. Түлэг һайхан хаһаяа, шамбай наһаяа Эхэ оронойнгоо хүгжэлтэдэ сүм зориулаад, наһанайнгаа эсэстэ ингэжэ ажамидархат гээд, арба гаран жэлэй урда хэн нэгэнэй хэлэ гээшэ һаань, юун болохо байгаа гэжэ наһанат? Совет засагт үедэ тэдэнэр гол түлэб 120-130 түхэриг пенсия абажа, урдахияа гүйсэд хаалгатай ажаһуухаһаа гадна үхибүүдтэ энэ гэрлэюмэ харбайгатайхан, мүн хонтынгоо хэрэгтэ гэжэ нэгэ хэды түхэриг мүнгэ суглуулгатайхан яһала ноглихон ажаһуугаал даа. Харин мүнөө аха захатамнай ямар туйган байдалда орошобо гээшэб!

Дэлхэйн ямаршыг гүрэндэ доройтоо ургажа ябаа залуу үетэй хуби заяанда эхэ анхара хандуулагдажа байдагынь мэдэжэ гээшэ ааб даа. Тээд демократис үзэл бодол баримталнабди тээд бээс тоолодог Россин мүнөөнэй хүтэлбэрилэгшэд дээрэ хэлэгдһөн социальна асуудалыг засаг бариха эхилһэн түрүүлгшээр үдэрһөө шахуу өөрингоо хараһаа алдажархихан гэхэдэ алдуу болохогүй байха.

Шуудай эхи табинан Михайла Горбачевой, мүн тэрэнигэ тойрогнод орон соохи хубилалтын эхнэ боһдынгөө ажал ябуулгаһаа нил түрүүн эхилжэ, арад түмэндөө жэшээ харуулаха уялгатай байһан аад, орон соогоо ёһотойл анархи гээшыг байгуулжа, эдэ хубилалтануудаа хүтэлбэрилэхэ шадархигүй зон байшоо бшуу. Ингэжэ оронойнгоо экономикын доройтолгын эхи табинан бэлдэй. Тэрэ үеын засаг баригшадтай зүришэлдэжэ, эдэб шууяа шурхираагар арад түмэнэй толгойлогшо болоһон Борис Ельциншыг тэрэ үедэ найдаа түрүүлжэ үзэнүүдыг хэлэдэг байһан шуу. ГКЧП-ийн һүүлээр Борис Ельцинэй тала баримталагшад засаг түүдэ орожо, орон соохи байгууламжыг тоц бодолгүйгөөр хандаргажа, баруунай ороонуудай жэшээгээр капиталис үзэл бодомжотой дэлгүүрэй харилсаануудыг хүсөөр шахуу гэхээр нэбтэрүүлжэ эхилээ һэн. Эгээл энэ үеһөө Россин правительствын гэшүүд бээлэй мэтээр нэлэгдэжэ захалаа гээшэ һааб даа. Тэдэн сооһоо Черномырдинэй толгойлоһон правительство эгээл удаан тэсэдээ. Гэбэнь хирэ-хирэ болоод лэ хараалагдаһан хэрэгүүдын бүтэжэ үгэхгүйдэ энэ тэрэ орлогшонорын нэлэгдэ нэлэгдэһээр, мүн өөртэньшэ энэнь тудан гээшэ. Дэлгүүрэй харилсаануудта оролгын, үмсээлагын эхнэ шатапуудталыг Черномырдинэй правительство болохон тэрэ түлээ гаргаһан байха юм. Зүгөөр байд гээд лэ

үрэнэй шахардуу байдалыг хайжаруулаха гээшэ тоц ороо хэрэг юм бээ. Түбэй телевиденээр Ельцин үгэ хэлэгдэ, 2000 он болотор залуу реформаторнууд Немцов Чубайс хоёрто гар хүргүүлэхгүйб гээд нэгэнтэ бээс мэдүүлһэн аад, байдалай бүтэхгүй тээшэ болоходонь, тэдэнэ эзэлжэ байһан тушаалнуудһаань сүлөөлжэ, Виктор Черномырдинские правительствын түрүүлгшын уялануудыг дүүргэгшээр томиллоод, мүн энэ нэлэгдэ юунэйшэ болоогүйг һайн мэдэнэ. Президент хабарайхи мэтээр Гүрэнэй Дүүмын депутатуудыг баалаха байгаа. Тээд энэ хабарһаа наһаа соносхогдһон Бүхэроссин буруушаалгын үдэр - октябрин 7 газар шахуу орошонхой байба бшуу. Партинууд болон хүдэлөөнүүдэй дурдахалаар гададын хэрэгүүдэй министрэй тушаалда Россин бэелүүлжэ байһаа политикые хилын саана бодогодэриг бэелүүлхэ талаар нилээд амжалта гуйлаһан Евгений Примаковые правительствын түрүүлгшээр томилхо тухай дурдахалыг депутатуудай дэмжэһыг һайн мэдэнэ ёһотойт. Энэ дурдахалыг Ельцин тухай зарлигаар батаалжа, правительствын бэелүүлэхэ үүргыг нилээд үргэдхэһэн ушар хадаа,

гээшэ. Буруушаалгын энэ хэмжээ ябуулгануудта хүдэлмэришэн анги, оюутад, зүдэрүү байдалда ороһон наһатай зон, парти болон хүдэлөөнүүдэй элэбхитэд эхэ олоороо хабаадаһан байна. Хэрбээ сүлөөтэ профсоюзнуудай түрүүлгшгэ господин Шмаков буруушаалгын дүн гаргахадаа, ороной 14 миллион гаран хүн хабаадаба гээд түбэй телевиденээр соносхоходонь, засагай зургаануудай тала баригшад энэ хэмжээ ябуулганы зорилгодоо хүрэхгүй, оройдоол 640 гаран минган хүн хабаадаа гээд онсолһон ушар бултанай наһаагэ ехээр хүлгүүлбэ. Оронойнгоо, мүн арадынгаа бодото байдал һуудалыг мэдэхгүй Борис Ельцин энэ «баяртай» дүнүүдыг дуулаад байхадаа, 2000 он болотор тушаалаа эзэлһээр байхаб гээд батаалба бшуу.

Россин Федерациин Федерална Суглаанай Гүрэнэй Дүүмын зүүнэй үзэл бодол баримталадг депутатууд Борис Ельцинские тушаалһаань болзорһоо урид болоулаха тухай ябуулага эмхидхэнэ. Арад зондо харша хэрэгүүдыг үүдхэһэн, мүн парламентыг үхэр буугтай ашаар тарааһан, өөрынгоо арадта аюулта дай соносхоһон президентые тушаалһаань буулгаха гээшэ тоц ороо хэрэг болонхой. Ушарынь хадаа бүтэдэ арадай зүбшөөлөөр һайшаагдаа гээд тоологдодог Конституци соо иимэ хэмжээн оройдоо хараалагдагүй байха юм. Президентые болзорһоонь урид болоулахын тула энэ хэрэгыг хэдэн олон комиссар дэмжэгдһонэй һүүлээр Гүрэнэй Дүүмын заседани дээрэ харагдахедаа, бүхы

Номгон далайһаа эхилээд Калининградтай область хүрэтэр, Хара далайһаа эхилээд Мүльһэтэ далай хүрэтэр болоһон буруушаалгада хабаадаһан эрхэтэнигнээ эрилтэнуудыг тоохогүй ушар хадаа хизааргүй эхэ засагтай хаантай жэшэмэ ябадал болоно гээд үшөө дахин онсолмоор байна. Депутатуудай энэ үүсхэлэнь юугээр дүүргэжэ ааб. Саг харуула бээ.

Үйлэдбэрингөө холбоо барисаануудыг таһалһан фабрика болон заводуудай хүсэн түгэсөөр хүдэлхэ болоторнь эхэ саг хэрэгтэй. Хүдөө ажахыдашыг энэ хэрэг мүн лэ шиидхэгдэшгүй орбохон асуудал болонхой. Засагай зургаануудай алишыг элдэдаа тоц эхээр хүлээгдэдэг баруунай ороонуудай мүнгэн туһаламжыг «үлөөдэр эдихэ өөхһөө мүнөөдэрэй уушхан дээрэ» гэдэгтэл, баһа улаан хоолойдоо гаргашаангүй, бүһээ бүри шагнадахад, энэ туһаламжыг үйлэдбэри хүгжөөлгэдэ зориулбал, хээдэшыг аша үрэтэй байха гээд наһагдахаар юм.

Һара, жэлээр саани хүлээсэ абадаггүй хүдэлмэришэн арад, ганса пенсээрэ байдаг наһатай зон, хэдэн жэлэй шахуу тэдхэмжэ абадаггүй олон үхибүүтэй бүлэнуудэй ядуу байдалыг ухаан бодолоороо, зүрхэ сэдхэлээрээ мэдэрхэ ш а д а б р т а й хүтэлбэрилэгшэтэй болоогүй сагта, гүрэн түрэмнай, арадыннай байдал хээдэшыг хайжархагүй.

Энэхэн хүлөөтэй жэлүүд соо гүрэнэй засаг зургаануудай хүтэлбэрилэгшэ боһдынгөө эрхэ байдалыг хамгаалаһан хэды

пенсия 500 түхэригөө дээшэ яашыг гарахагүйл. Бюджетэй эмхи зургаануудай хүдэлмэришэгшэдэй, хүдэлмэришэдэй пенсия нэмээхэ асуудал арбаад түхэригөөр хизаарлагдаад лэ дүүрэгшэнэ даа.

Харин хилын саанахи пенсионернуудэй байдал манайхитай жэшээб, тэдэнай ёһотой диваажанай орондо ажаһуугшад болоно бшуу. Наһанайнгаа тэдхэмжээр үндэр наһатай шуул амар ажаһуухаһаа гадна, бүхы дэлхэйгээр аяншалжа, өөһөдынгөө эрдэм мэдэсыг үргэдхэхэ аргатай байна бшуу. Харин тинхэдэ манайхитай нэгэ зариманинь үлөөдэр эдихэ хилээмэгүй шахуу эдээ тоолологтойхон, нүгөөдүүдыг гуйраншалха байдалда хүрэнхэй.

Россин Федерациин Гүрэнэй Статистикын албапай мэдээсэһэнэй ёһоор оронойнай табдахи эрхэтэн бүхэн ядуу туйган байдалтай юм байна. Хамарайнгаа урдахине хараха шадалгүй ялагар ордон соо ядамаггүй һуудаг хүтэлбэрилэгшэдэй, мүн тэдэнигэ тойроһон элдэб эсын билдагуушадтай гэмээр орон соомнай нимэ түлөөр байдал тохёолдобо бшуу.

С т а л и н а й, коммунистуудай зонхилһон сагыг шанална бээшэб. Зүгөөр дэлгүүрэй харилсаануудыг хаа наһагүй үргэнөөр нэбтэрүүлжэ захалаһан хадаа, арад түмэнэй аша туһыг хамгаалаһан хуулинуудыг нэл түрүүн хараалаад, али бүхы хубилалтануудыг тоц бүтээмжэтэй гээд хүтэлбэрилэгшэдэйнай бэелүүлжэ захалаһан һаань, иимэ һандаралда орохогүйл һэн хабди гээд наһагдадаг.


Манай ороной, арадай хуби заяанда олохон бэрхшээлүүд дайралдаһан байдаг гээд түүхэ гэршэлнэ. Эдэ бүхы бэрхшээлүүдыг арад зонгодо эб хамта дабабал, хээдэшыг амжалта туйлахабди. Хэлэһэн үгэ хэрэг хоёрдоо алгасуулаһгүй хүдлэсэ гаргабал, амжалта туйлагдаха. Эдэ бүхы бэрхшээлүүдтай хара һүниһн аймшагтай зүүдэн мэтээр һүтэн үнгэрхэл.

Хүтэлбэрилэгшэдэй зонхилхы ханаууд бусалтагүйгөөр үнгэрэдэг, зүгөөр арад зон хээдэшыг үлэдэг. Энэхэн ороо үедэ «харанхыг гэрэлтүүлэхэ, бүтүүе тааха» шадбаритай ороһине хүтэлбэрилэхэ хүн хэрэгтэй болоод байна.

Арадай һанал хээдэшыг сэгсэн байдаг. Буруушаалгын жагсаалай эрилтэнуудэй бэелүүлэгдэхэ байһанда батаар этгэмээр байна. Зүгөөр мүнөөнэй засагай дэргэдэ байгшадтай «шоу шоулар нюргаар гараба» гэдэгтэл, арад зонойнай сэгсэн эрилтэ «үнсн юумэн үнөөрөө, үнсн малгай зүһөөрөө» боложо тодорхой болтогой!

Далай ХУБИТУЕВ, журналист.

Аркадий БАТОМУНКУЕВАЙ фото.



Ялагар ордон соо ядамаггүй һуудаг хүтэлбэрилэгшэдэй, мүн тэдэнигэ тойроһон элдэб эсын билдагуушадтай гэмээр орон соомнай нимэ түлөөр байдал тохёолдобо бшуу.

ХҮНДЭТЭ НЭРЭ ЗЭРГЭНҮҮД, ХҮНДЭЛЭЛЭЙ ГРАМОТАНУУД

Эрдэмэй болон багшалаалгын ажал ябуулгада үни удаан саг соо аша үрэ ехэтэйгээр хүдэмэрлэнэйн, мүн Ази түбидэ амгалан байдал бэхжүүлгэдэ эдэбхитэйгээр хабаадаһанайнь түлөө Буряад Республикын Президент 1998 оной сентябрин 25-най Зарлигаар Улаан-Үдэ хотын мэрин Москвадахи түлоолгшэ, амгалан байдалай түлөө Азини буддын шажанай конференциин генеральна секретарини орлогшо, техничэскэ эрдэмт кандидат **ЦЫБИКДОРЖИЕВ Владимир Будаевичта «БУРЯД РЕСПУБЛИКЫН ЭРДЭМЭЙ ГАБЬЯАТА АЖАЛ ЯБУУЛАГШ»** гэхэн хүндэтэ нэрэ зэргэ олгохо.

Барилгын талаар габыятай байһанайнь ба үни удаан саг соо аша үрэ ехэтэйгээр хүдэмэрлэнэйн түлөө Буряад Республикын Президент 1998 оной сентябрин 25-най Зарлигаар пенсионер **БОБКОВ Геннадий Андрияновичта «БУРЯД РЕСПУБЛИКЫН ГАБЬЯАТА БАРИЛГАШАН»** гэхэн хүндэтэ нэрэ зэргэ олгохо.

Хүдөө ажахын талаар габыятай байһанайнь, мүн үни удаан саг соо аша үрэ ехэтэйгээр хүдэмэрлэнэйн түлөө Буряад Республикын Президент 1998 оной сентябрин 25-най Зарлигаар Түнхэнэй аймагай хүдэмэрлэнэйн Буряад Республикын хүндэтэ нэрэ зэргэнүүдые олгохо гэбэл:

«БУРЯД РЕСПУБЛИКЫН АГРОПРОМЫШЛЕННА КОМПЛЕКСЫН ГАБЬЯАТА ХҮДЭМЭРИЛЭГШЭ»

АНДРЕНОВ Андрей Бадмаевичта - «Маяк» колхозой тракторист;

ПЕРМЯКОВ Сергей Михайловичта - Саяанай совхозой отделение эрхилэгшэ;

ХАЛУДОРОВ Александр Будажаповичта - Ленинэй нэрэмжэтэ колхозой тракторна бригадын бригадир.

«БУРЯД РЕСПУБЛИКЫН ГАБЬЯАТА ВЕТЕРИНАРНА ВРАЧ»

УБУШЕЕВ Доржо Данзановичта - «Маяк» колхозой ахамад ветеринарна врач.

«БУРЯД РЕСПУБЛИКЫН ГАБЬЯАТА БАРИЛГАШАН»

БАТОРОВ Саян Доржиевичта - таряшадай «Танархай» ажахын барилгын томодхомол бригадын бригадир.

Үйлэдбэрине хүгжөөлгэдэ габыятай байһанайнь ба үни удаан саг соо оролдосо үүсхэлтэйгээр

хүдэмэрлэнэйн түлөө Буряад Республикын Президент 1998 оной сентябрин 14-нэй Зарлигаар акционернэ «Агропромтехника» бүлгэмэй генеральна директор **БОКОВ Валерий Иннокентьевичта «БУРЯД РЕСПУБЛИКЫН АГРОПРОМЫШЛЕННА КОМПЛЕКСЫН ГАБЬЯАТА ХҮДЭМЭРИЛЭГШЭ»** гэхэн хүндэтэ нэрэ зэргэ олгохо.

Шулуун нүүрхэнэй промышленностиин талаар габыятай байһанайнь ба үни удаан саг соо оролдосо үүсхэлтэйгээр хүдэмэрлэнэйн түлөө Буряад Республикын Президент 1998 оной сентябрин 14-нэй Зарлигаар акционернэ «Гусиноозерская» шахта» бүлгэмэй генеральна директор **РАСПОПИН Анатолий Владимировичта «БУРЯД РЕСПУБЛИКЫН ГАБЬЯАТА ИНЖЕНЕР»** гэхэн хүндэтэ нэрэ зэргэ олгохо.

Хуули сахилгын талаар габыятай байһанайнь ба үни удаан саг соо үнэн сэхээр алба хэнэйн түлөө Буряад Республикын Президент 1998 оной октябрин 1-нэй Зарлигаар Буряад Республикын Дотоодын хэрэгүүдэй министерствын хүдэмэрлэнэйн Буряад Республикын хүндэтэ нэрэ зэргэнүүдые олгохо гэбэл:

«БУРЯД РЕСПУБЛИКЫН ХУУЛИ САХИЛГЫН ЗУРГААНАЙ ГАБЬЯАТА ХҮДЭМЭРИЛЭГШЭ»

ЕМЕЛЬЯНОВ Леонид Александровичта - управлениин начальник;

КАРНЫШЕВ Александр Афанасьевичта - Кабанскын аймагай дотоодын хэрэгүүдэй таһагай начальнигай орлогшо;

КОЗЛОВ Анатолий Михайловичта - Яруунын аймагай дотоодын хэрэгүүдэй таһагай начальнигай орлогшо;

ЛУПСАНОВ Борис Лупсановичта - управлениин начальнигай орлогшо;

МОДОГОЕВ Владимир Васильевичта - Сэлэнгын аймагай дотоодын хэрэгүүдэй таһагай начальнигай орлогшо;

САНЖЕЕВ Анатолий Дашевичта - управлениин таһагай начальник.

«БУРЯД РЕСПУБЛИКЫН ГАБЬЯАТА ЮРИСТ»

ВЛАСОВ Сергей Александровичта - Улаан-Үдэ хотын Октябрьска районной дотоодын хэрэгүүдэй таһагай начальник;

ГОЛОВИН Владимир Ильичта - Прибайкалин

аймагай дотоодын хэрэгүүдэй таһагай начальник.

Хуули бэхжүүлгын талаар габыятай байһанайнь, албан хэрэгээ амжалтатайгаар бэсүүдэнэйн түлөө Буряад Республикын Президент 1998 оной октябрин 6-най Зарлигаар Буряад Республикын сүүдэй з у р г а н у у д а й хүдэмэрлэнэйн «**БУРЯД РЕСПУБЛИКЫН ГАБЬЯАТА ЮРИСТ**» гэхэн хүндэтэ нэрэ зэргэ олгохо гэбэл:

ГЛУБОКОВ Николай Петровичта - Буряад Республикын Верховно сүүдэй судья;

СОБОЛЕВ Александр Александровичта - Кабанскын аймагай сүүдэй түрүүлэгшэ;

ЦЫРЕНОВА Галина Ивановнада - Буряад Республикын Верховно сүүдэй судья.

Ой модоной ажахыда үни удаан саг соо оролдосотойгоор хүдэмэрлэнэйн түлөө Буряад Республикын Президент 1998 оной сентябрин 21-нэй Зарлигаар республикын ой модоной ажахын хүдэмэрлэнэйн Буряад Республикын Хүндэлэлэй грамотаар шагнаха гэбэл:

БЕЛОУСОВА Нина Максимовнае - хизаарлагдамал харюусалгатай «Вектор» нүхэсэлэй мастер;

БУНЧЕЕВ Виктор Сергеевичта - хизаарлагдамал харюусалгатай «Вектор» нүхэсэлэй тракторист;

ИСАЕВ Николай Ильичта - хизаарлагдамал харюусалгатай «Вектор» нүхэсэлэй гүйсэдхэхи директор;

НАГАЕВ Леонид Федотовичта - Хэжэнгын ажахы хоорондын лесхозой директор;

ПОЛЕВОЙ Владимир Дмитриевичта - хизаарлагдамал харюусалгатай «Вектор» нүхэсэлэй тракторист.

Хүдөө ажахыда үни удаан саг соо оролдосо үүсхэлтэйгээр хүдэмэрлэнэйн түлөө Буряад Республикын Президент 1998 оной сентябрин 25-най Зарлигаар Түнхэнэй аймагай хүдэмэрлэнэйн Буряад Республикын Хүндэлэлэй грамотаар шагнаха гэбэл:

БОДЕЕВ Доржа Намжуевичта - дайнай болон ажалы ветеран;

ШЕХИН Юрий Степановичта - таряшадай «Сибиряк» нэгэдхэмэл ажахын хүнэй товарна фермые даагша.

КОНСТАНТИН МАТВЕЕВИЧ ПРОДАЙВОДА

Байгша ойой октябрин 10-да Москвада 72-дохи наһандаа Константин Матвеевич Продайвода нүгшэбэ. Буряадай хүгжэлтын шатанууд энэ хүнэй нэрэтэй нягта холбоотой юм.

Константин Матвеевич Улаан-Үдэ хотодо 1926 ондо хүдэмэрлэнэйн бүлэдэ түрөө бэлэй. Түмэр замай техникум дүүргэһэн 19-тэй хүбүүн ажалайнгаа баян намтарые Улаан-Үдэ хотын паровозно деподо эхилжэ, түрүүшээр машинистын туһалагшаар, паровозой машинистээр, удаань бригадираар, цехэй мастераар, паровозуудые заһабарилгын талаар инженерээр, депогой үйлэдбэрини техничэскэ таһагай начальнигаар хүдэмэрлэн бэлэй.

1951 ондо Хабаровскын түмэр замай транспортын инженернүүдэй институт амжалтатайгаар дүүргэһэнэй удаа Константин Матвеевич Зүүн Сибириин түмэр замай Улаан-Үдын отделеини инструктораар, удаань полит-таһагай начальнигай орлогшоор аша үрэ ехэтэйгээр хүдэмэрлэнэйн юм.

Түрэхын ажалша бүхэриг, хүдэмэридөө зохёохы ёһоор хандадаг эдэбхи үүсхэлтэй залуу мэргэжэлтэ партиин болон гүрэнэй харюусалгатай ажадаа дэбжүүлэгдэһэн бэлэй. КПСС-эй Улаан-Үдын горкомой хоёрдохи, нэгэдхэхи секретаряар, КПСС-эй Буряадай обкомой промышленно-транспортын таһагые даагшаар хуугадаһан габыятай. Буряадай АССР-эй Верховно Советэй Президиумэй Зарлигаар К.М.Продайвода 1963 ондо Буряадай АССР-эй Министруудэй Советэй Түрүүлэгшын орлогшоор томилогдоһон, Буряадай АССР-эй Министруудэй Советэй болон КПСС-эй Буряадай обкомой партиин - гүрэнэй шалгалтын комитетэй түрүүлэгшээр аша үрэ ехэтэйгээр хүдэмэрлэнэйн юм. КПСС-эй обкомой секретаряар, хоёрдохи секретаряар хуугадаа.

1978 ондо Константин Матвеевич Продайвода СССР-эй Ой модоной болон модо болбосоруулгын промышленностиин министрэй орлогшоор томилогдоо һэн.

К.М.Продайвода эдэбхи үүсхэлтэй, эрилтэ шангатай, хэлэһэн үгэдөө хүрдэг хүтэлбэрилэгшэ гээд Буряадтаа суутай байгаа.

Эмхидхэхи ажалай ехэдүршэлтэй, ажалша коллективүүдтэ ехэ хүндэтэй хүтэлбэрилэгшэ республикын экономикын ба соёлой хүгжэлтэдэ сэгнэшэгүй ехэ хубитаяа оруулаһан хүнүүдэй нэгэн гээд алдартай байгаа.

Буряадай АССР-эй болон РСФСР-эй Верховно Советэй депутатаар олон зарлаалай туршада хуугадаһан юм. Экономикын эрдэмтэй кандидатай нэрэ зэргэтэй байгаа.

Гүрэн түрын үмэнэ габыятай байһанайнгаа түлөө К.М.Продайвода Ажалай Улаан Тугай 2 орденээр, «Хүндэлэлэй Тэмдэг» орденээр, олон медальнуудаар, Буряадай АССР-эй Верховно Советэй Президиумэй олон грамотануудаар шагнадаһан, «Буряадай АССР-эй габыята инженер», «СССР-эй хүндэтэ түмэр замшан» гэхэн хүндэтэ нэрэ зэргэнүүдтэ хүртэһэн бэлэй.

К.М.Продайвода сэрэр сагаан сэдхэлтэй, хүндэ анхаралтайгаар хандадаг һэн тула хамта хүдэмэрилдэг нүхэдтөө, хүн зондоо ехэ хүндэтэй хүтэлбэрилэгшэ байһан юм.

Константин Матвеевич Продайводагай сэрэр ариун дурасхаал суттаа хүдэмэрлэнэйн нүхэдэйн, тэрэниие мэдэхэ зоной сэдхэлдэ хэтэдэ ариунаар үлэхэл.

Л.В.Потапов, М.И.Семёнов, В.К.Агалов, Б.В.Данилов, В.В.Измайлов, Е.К.Ханхалаев, В.В.Переляев, А.Ю.Налётов, Н.И.Быков, П.М.Болопов, В.А.Полютов, Г.А.Айдаев, В.Б.Базаров, М-Ж.Ц.Гармаев, Д-Н.Т. Раднаев, Б.С.Семёнов.

Эмхидхэн байгуулагшад - Буряад Республикын Президент, Арадай Хурал болон Правительство

<p>Ахамад редактор А. Л. АНГАРХАЕВ РЕДАКЦИОННО КОЛЛЕГИ: Б-М.Ж.БАЛДАНОВ (ахамад редакторай орлогшо), Г. Х. ДАШЕЕВА (ахамад редакторай орлогшо), Б.Р. ГЫНДЫНЦЫРЕНОВ (харюусалгата секретарь), А.Г.ЛУБСАНОВ (Буряад Республикын Арадай Хурал), Д.А.СУНДАРОН, таһагуудые даагшад: Н.Д.НАМСАРАЕВ, Т.В.САМБЯЛОВА, Д.Ш. ХУБИТУЕВ, Л.Д. ТАПХАЕВ; В.И.ПИНТАЕВ (хэблэлэй директор).</p>	<p>Манай адрес: 670000, Улаан-Үдэ, Каландаришвиллин үйлэс, 23, "Буряад үнэн" газетын редакци.</p>	<p>Газетэ хэблэлэй 1 хуудалан хэмжээтэй. Индекс 50901. Хэблэ 3.350 (хамта 20.000). Хэблэлдэ тушаалдаһан саг 17.00.</p>	<p>"Республиканска типография" гэхэн АО-до газетэ хэблэгдэ. Директорэйнь телефон: 21-40-45. Б-0079-дэхн номертойгоор бүрдхэлдэ абтанхай. Заказ № 8435.</p>
<p>Редакциин телефонууд: ахамад редакторай - 21-50-96, приёмнын - 21-54-54, ахамад редакторай орлогшонорой - 21-68-08, 21-64-36, харюусалгата секретарини - 21-50-52, секретариатай - 21-50-52, таһагууд: экономикын болон политикын - 21-55-97 (даагшань), 21-63-86, соёлой, түүхын болон залуушуудай - 21-54-93 (даагшань), 21-57-63, 21-69-58, 21-60-21, мэдээлэлэй болон рекламны - 21-62-62, 21-67-81, хэблэлэй - 21-33-61, оператор-корректорнүүдэй - 21-61-35, фотокорреспондентнүүдэй - 21-33-61, компьютернй түбэй - 21-66-76, корпунктын - 21-34-05. "Бурятия" хэблэлэй телефонууд: директор - 21-49-94, бухгалтери - 21-23-67, вахта - 21-60-91. Тоонуудай, бодото баримтануудай, хүнэй, нютагай нэрнүүдэй бэлгэтые хазагайруулаһан үшарта авторнүүдэнь харюусалгатай. Редакциин ханамжа авторайхитай адлн бэлэ байжа магад.</p>			